

序

詩盛于唐樂府盛于宋諸賢名家不少獨東坡稼軒
傑作磊落倜儻之氣溢出豪端殊非雕脂鏤冰者所
可彷彿往年僕游京師古山張公一見招至館下鐙
窗雪案披誦公所著樂章湛然如秋空之不雲烺然
如春華之照谷淒然如猿嘯玉澗昂然如鶴唳清霄
砉然如庖丁鼓刀翩然如公孫舞劍千變萬態意高
語妙真可與蘇辛二公齊驅並駕然其根柢實得于
西巖先生之嫡傳集五色綵絲成一家機杼將黼黻
皇猷彌縫袞綉豈但遊戲翰墨而已哉僕不敢私闕
敬錄諸梓庶使同志獲窺公之一斑云

至治初元中秋日臨川李長翁書于三山之光霽亭

古山樂府

目錄

清平樂 二調

阮郎歸

太常引 二調

南鄉子

鵲橋仙 三調

臨江仙

蜨戀花

青玉案

江城子

婆羅門引

驀溪山

滿江紅

五調

玉路遲

滿庭芳

八聲甘川

念奴嬌

四調

木蘭花慢

六調

水龍吟

十八調

石州慢

奪錦標

風流子

沁園春

八調

賀新郎

二調

古山樂府

元張埜

清平樂

到洪寄新齋

別離心輓爭似交情淺去路愁腸千百轉回首高城
天遠斷雲零雨西樓落霞孤鶩南州應把歸期約
定忍教劃損搔頭

又

和李御史春寒

日長庭館尙問寒深淺底事今年花信晚柳外東風
未輒韶光已近春分小桃猶指霜痕天意憐子病
起故教遲吐清芬

阮郎歸

青山重疊水縈紆扁舟隔岸呼依稀綠口輞川圖又
疑陶令居紅樹晚白雲孤乾坤別一壺草堂瀟灑
葦窗虛過中容我無

太常引

贈歌者妙音居士

前身應是散花仙一念墮塵緣參透曲中禪比一串
摩尼更圓林鶯巧囀玉冰飛韻三昧有誰傳休惜
遏雲篇早醫得維摩病痊

又

壽高右丞自上都分省回

巍然勲業歷台司一柱儘能支報國與憂時怎瞞得
星星鬢絲龍門山色灤河雲影添入介眉詩沈醉
莫推辭趁秋滿天香桂枝

南鄉子

贈歌者怡雲
和盧處道韻

靄靄度南空。花影長如。月中曾爲清歌還少駐。恩
恩變作尊前喜氣濃。一笑爲誰容。只許幽人出處
同。卻恐等閒爲雨後。東風吹過巫山第幾峯。

鵲橋仙

無窮前古。無窮後世。分得中間百歲人生。七十古來
稀。況八九不如人意。榮枯夢幻。功名兒戲。爭甚一
時閒氣。勸君從此更休癡。且拚卻花前沈醉。

又

詠梅
贈人

瓊枝纖弱瑤英嬌。小占得江南春。早前村雪裏欲開
時。粉未必東風知道。芳心一點幽香。多少幾度被

花相惱龍頭人去早歸來莫直待春殘鶯老

又

壽王趙王八十

鸞臺鍾呂瀛洲房杜榮貴康寧天付三公勲業四朝
臣不勝似磻溪漁父 朝廷尊敬君王知遇香滿口
風玉樹十分壽比老彭年怡喜慶筵開一度

臨江仙

戊午九月二十一日宴罷直省和徐工部韻

蓮幕酒闌人散後滿庭松竹蕭森擣殘秋思是鄰砧
翠屏驚舊夢白髮入新吟 蓋世勛名將底口悠悠
往古來今一鐙孤恨夜窗深箏閒纖筍玉杯冷輭橙金

。蜨戀花

狼藉春山愁萬點半是征塵半是唬痕染別久流光

空冉冉。料應病頰成雙靨。羅帶同心香未斂。甚日
蘭舟重把歸妝檢。極目畫樓口口掩。憑誰翦卻吳江
險。

青玉案

戊辰元宵
客京師

千門夜色霏香霧。又春滿朝天露。回首舊游誰口與。
金波影裏水精簾下。總是關心處。征衫著破愁成
縷。畱滯京塵甚時去。旅館蕭條情最苦。鐙無人點酒
無人勸睡也。無人覷。

江城子

和元復初賦
玄圃梅花

雪梅幽徑月迷津。水南村竹閒門。唯有天寒翠袖伴。
朝昏。玄圃移根來萬里。空怨殺楚江雲。玉堂深處

護仙眞怕京塵染芳魂一種清香占斷百花春只恐
東君偏愛惜桃與李卻生嗔

婆羅門引

和李廷弼韻
就慶秋度

井梧葉下西風正喜洗塵顏猶然火甌之間誰釀一
天霖雨爽氣滿河關甚憂民老子頓覺心寬風亭
月軒更何用種琅玕自有平生節操未老投閒羣鳥
聲鬧又驚覺黃梁夢一番沉醉後處處廬山

驀溪山

和盧彥威應
奉食柑韻

洞庭珍味喚起愁千里萬顆曉霜餘記當年玉纖分
口小園秋晚半醉對黃花驚昨夢渺前歡歲月如彈
指天涯牢落無計論心事冉冉驛塵紅尙依然襲

人芳氣帕羅輕護不忍破金苞香菽菽露霏霏總是
相思淚

滿江紅

半世乾忙漫走遍燕南代北凡幾度馬蹏平踏臥虹
千尺眼底關河仍似舊鬢邊歲月還非昔並闌干唯
有石狻猊曾相識橋下水東流急橋上客紛如織
把英雄老盡有誰知得金斗未懸蘇季印綠苔空漬
相如筆又平明衝雨入都門情何極

又

寄磁下
諸公

楓落衡漳猶記得離觴鯨吸驚又見宮槐見禁口口
口口行止難窮天素定功名有分誰能必甚近來參

透妙中玄牀頭易 梅雨過芹池口松月上丹房寂
問此時曾念京塵蹤跡七椀波濤翻白雪一枰冰雹
消長日向德星多處望麴山空相憶

。又

秋
日

風雨蕭蕭便釀出新涼庭院人乍起一簪楸葉不堪
裁翦翠幄漸凋槐影瘦紅衣半老蕖香淺到秋來何
止沈休文難消遣 鴻雁杳音塵斷空極目煙波滿
想故人此際畫闌憑徧別久幾時情做夢歸遲一向
恩成怨對西風無語黯消魂行雲遠

。又

用李廷弼
畱別韻

一夢黃梁邯鄲道幾人曾覺空怨煞津亭疊鼓戍樓

殘角。往歲相逢淮口渡。今年同向錢塘泊。歎飄零俱
爲出山忙。平生錯。青青鬢長如昨。紛紛事。口拋卻。
道功名何必鳳池麟角。老境尙期游汗漫。壯心不用
傷離索。柰明朝相望越山重。吳江闊。

又

和吳此民
送春韻

九十韶光驚又見。折桐花落口口也。愁人情細不禁
離索。桃塢霏霏紅雨暗。柳隄漠漠香絲薄。恨東風一
夜太無情。都吹卻。功名念平生錯。塵土夢今朝覺。
有一尊分甚聖。清賢濁聽我口歌。還不飲。何人綠鬢
長如昨。況東君動是再相逢。經年約。

玉漏遲

和人中
秋韻

桂香浮綠酒持杯邀月何愁佳友欲寫秋光鈍筆近
口如帚空對珠宮貝闕恍夜色明于晴晝休憶舊人
情節意年年同否浪走紫陌紅塵笑底用腰間印
金懸斗鷺約鷗盟江上怪余應久便有拏雲手口向
此夕何妨深袖沈醉後忘卻鏡中白首

滿庭芳

夏日飲王
氏園亭

珠箔含風瑣窗凝霧柳溪別是仙鄉一枝絕豔嫋嫋
動波光消盡人間煩暑冰紈膩玉骨生涼腸應斷清
商一曲餘韻惹蘂香幽情還憶否冰蓮蕊合碧藕
絲長要滿斟芳醕親舉荷觴耳畔向人微道便爲儂
一醉何妨歸來晚新愁幾許山雨夜浪浪

八聲甘州

戊申再
到西湖

憶湖光醉別幾春秋飄泊寓京師恨無窮煙水無情
歲月無限相思萬里風沙夢覺山色碧參差忙對玻
瓈鏡照我塵姿 欲寫從前離闊便安排畫舸準備
新詩見六橋遺構煙雨強撐支怨東風紅消翠減比
向來渾是老西施如何得劉郎雙鬢長似當時

念奴嬌

賦白蓮用
仲殊韻

水風清暑記平湖十里寒生紈素羅襪塵輕雲冉冉
彷彿淩波仙女雪豔明秋瓊肌沁露香滿西陵浦蘭
舟一葉月明曾到深處 誰念玉佩飄零翠房淒冷
幾度相思苦異地相看渾似夢忍把荷觴深注碧藕